

مسکن شادان

سر ۶ ۱ ۳۰ ۳ ۱ ۳

والله يهدي من يشاء الى صراط مستقيم دینی ، علمی ، ادبی ، سیاسی هفته‌ای مجموعه اسلامی در اتبعون اهدکم سبیل الرشاد

صاحب و مدیر مسئول : ح . اشرف ادیب

جلد ۱-۸

۱۹ رجب ۱۳۳۰ پنجشنبه ۲۱ خزیران ۱۳۲۸

عدد ۱۸-۲۰۰

ایدیور؟ بانطولونك دارلنی طولایسیله اکتسا ایدنك دیز چوکه مه مسندن ،
بونزوركدده اساساً فراق آزمائی برستره اولماسندنمی ؟

« یا منطق نامنه دماغكزده كوچك بر ذریه مالك دكلسكز (دیمك
ذرهكده بویوك، كوچوك اولورمش) یاخود هرشیئ انكار ایله معهود
امل اشتراكی تعقیبه فرار و برمشكزدر « دیورسكز . شهر آیی !
« منطق » كه سندن قصد ایله ديككز معنای شریف ! سرك یازیلرك حكمی
ایسه حمداً ثم حمداً كوچوك بر ذره سنده دكل ، حتی هیچ اندر هیچنه مالك
اولماقله افتخار ایدرم . امل اشتار معقی اولسه ایدم نه یایه جفمی ده یوقاریده
سویله دم . (یالكر اتخاف دعا اتمك معنویاتی تأمین اتمك) به احتفالك غایه
مادیه سی ایسه حس و طنپورانه بی یاداعاطمه تقویه ایله مك ایش . آیی افندی !
عجبا هرشیئ انكاره قالدیشان بنی . ذات ادبیانه كز می ؟ مخلصكز ، یاد
اعظم حس و طنپورانه بی تقویه اتمز ، غالب ددهك قورنده احتفال یایلماسین
ادعاسنده می بولوندم ، یوقسه بواحتفال و طنپورانه ، وطنك اصول و تعاملی
وجهله یایلسین می دیدم .

(غالب دده بی مقبره مباركه و مبعله سنی قارشیدنده ذكر خیر اتمك
كنانه) دكادر . كنانه اولان برشی وارسه اوده مسلمانانده بدعت سیئه تلقی
ایدیله جك آل چیریئیتیلری و آلفیش صدالری ایله برمدفن عترت سكوت مهیبی
اخلال ایله مكدر .

« اولوركزی خیر ایله ذكر ایدیکز » بوبورلشدر . فقط اولوركزك
مزاری باشنه ضویلانكده شافلابانلق ایدیکز بوبورولامشدر . « الهیکم التکاتر
حتی زرم المقابر » آیت کریمه سنك تورکجه تفسیرینه باقارسه كز ایچه معلومات دینه
آلمش اولورسكز . احتفال مرتبكزك فناغنی دیلم دوندكجه سویله مکدن
چکینمیه جكم کی (معلولیت دماغیه) مه حکم اتمك لطفكزه قارشیده ذات
عایکزه غافل . حکیم و داعی عنوانلری و برمکدن چکینمیه جكم که ارباب عقوله
کوره ایکیمزكده اصابت ایدمه مش اولدیغمز اکلشیلایققدر .

« هیأت احتفالیه اراسنده حقیقی بر مولوی بولونسه دی » دیشمه
جواباً بعض ذواتی تعداد ایله سوزی نقض اتمك و ترتیب و افکع طریق مولوی
ارکانندن بعضیلرینك تنسییله اولدیغنی سویله مك ایستیورسكز .

بن یینه ادعا ایدرم که حقیقی بر مولوی ، مولوبلکه مخالف بولانن بومراسمی
قطعیاً تنسیب و تصویب ایله مش .

بنم قدر وبلکه داها قوی بر مولوی اولدیغنی و بنم قدر بیلوب آکلادیغنی
سویله دیکكز ضیابك ، غالب ددهك قورنده درویشانه مراسم یایلماسنك
متشیئ اولاییلر . غلطه مولوی شیخی افندی حضرتلری ده درویشانه اولاجنی
طنیله بومراسمك اجراسنه موافقت ایدر و بوضورتله چلی افندی حضرتلرندن
استیذان اولونور . فقط ضیابك ، دیکكز کی برمشونخوان ایسه :

نیکوان رفتند سنتها بماند

وز ایشان ظلم و بدعتها بماند

بیت منویسنك مدلول معنویسنی خاطر لایاجنی جهتله بویله مناسبتمز
بر تشبیه اوك ایاق اولماسنه - موما الیه - حسن ظن اتمش اولقی ایچین احتمال برهم .
شیخ افندی حضرتلرینه کلنجه : طریق مولوبلک طرق سائریه نسبتله
آداب و ارکانی صاقلایلمش اولماسی منتسبلرینك محافظ کارانی سایه سنده
اولدیغنی و « خاطر قالسین ده بول قالماسین » تعبیرینك مولویلر اراسنده زبازرد
و صری بولوندیغنی يك اعلا بیلدکلرندن نه بویله اصول طریق مخالف فرنگجه
براحتفالك اجراسی ایچین چلی افندی حضرتلرندن استیذان ایدرلر ، نه ده
مشاورلیه حضرتلری حسبالمقام بویله برمساعده ده بواورلر . نه کیم ده بویله
اولمش و غلطه درکاهی پوست نشینی افندی حضرتلری ، ایشك رضاسی
و معلوماتی خلافت اولارق بویله بررنك آلدیغنه متأسفاً احتفالك منی ، یاخود تبدیلی
حقنده تشبیه بولمشددر . دیگر بر مولوی شیخ فاضلی ده یینه بوایش
حقنده بکا کونده ردیکی برتد کرده ده « رسم احتفالك بر طرز افرنج رستانیه

تخویلی غزته لرده کورنجه فقیركزده سرك کی متأثر اولقدن و :
کجاماو کجا زنجیر زلفش

عجب دیوانکی اندر سرافته

دیمکدن کنیدی آلامادیغمدن درکاهی عدم اشتراکی مناسب کورویورم .
الدن نه کلیر آغلامادن بوحاله ؟ ... « دیورکه اخوان مولوبلک احتفال
معهودكز حقنده کی فکرینه دلیل واضح تشکیل ایدر .

« هله شو صوك جله كز ، اولر نه قدر فنا ، نه مشوم کولیورلر ،
بیلیورمیسكز ؟ .. اولرده سیای روحكزی او قودم ، کوردم :

« شیخ غالی وفاتندن صکره کشکولکشی سؤال اولقی ذلته دوشورمك !!!
« یاربی نه غلیظ دوشونجه ! .. بز اوکا احتراملرمنی تعظیماً تعزی تقدیم ایدیورم ،
بو وسیله ایله آره مزده طولایدیغمز ناجیز هدیه لرله وینه ناجیزانه ودهاسنه
احترامکاره جوخه سنی تجید اتمك ایستیورم « دیورسكز . بنده : یاربی نه
رکیک افاده ! آ بكم سز غالب ددهك صندوقه سنده کی پوشیده نك تجیدینه
قالتشاجفكزه طرز تفکر و شیوة تحریر کی تصحیحه چالیشه کرداه از یاده مأجور
و غالب ددهك روحنی اصل بوضورتله شاد اتمش اولورسكز دیدکدن صوکر :
اوجله ده سیمای روحی کوره بیله جك قدر روح آشنا اولسه ایدیکز
اوکلماتك فنا و مشوم کولدیکنی دكل ، عثمانیلر آراسنده عثمانیلق آدابندن
بو قدر غافل و فرنگ عاداتنه بو درجه متماثل کیمسلر بولوندیغنه متأسفاً قان
آغلادیغنی مشاهده ایدر دیکز .

افندی ! سز شاعر شیخ غالب یادنامی ایچین درگاه خارچنده عفاکزه
کلنی پاپکز . لکن مولوی شیخی غالب دده بی بز مولویلره براقکز .

گفت پیغمبر که جنت از آله

کرهمی خواهی ز کس چیزی نخواه

کر نخواهی من کفیلم مرترا

جنت المأوی و دیدار خدا

بویوران جناب خداوندکدارك بر مرید استغنا شعاری ایچین اوتنه کندن
بریکندن اعانه لر طولایلابوب ده صندوقه مبارک سنی - تکرار ایدم - دینچی
کشکولنه چه و برمه یکر و حضور معنویسنده کی سکوت محترمی هنگامه کیرانه
بر طاقیم های وهوی ایله اخلاص تشبث ایدرک درگاه شریف داخلنی پاناییر
یرینه بکزه تمهیکز .

آتالردن قالا بر ضرب مثلزم واردر :

مسلمان محله سنده صالیانغوز صاتیلماز . درلر . برده شوسوزلره حواب
ویره جك اولورسه كز ادب و تربیه داخلده یازیکز که بدننده او صورته
مقابله کورمش اوله سكز .

ای کریم وای رحیم و سرمدی

در گذار از بدسکالان این بدی

ظاهر المولوی

گریده ح . ص بک افندی یه

مظلوم دین داشم !

شهیدلرک قانی ، یتیملرک کوز یاشلریله یازیلش اولان این خطا -
بکزی کوزلریمی رؤیتدن بری ایدن بر کریمه طوفان نمون ایچده او قودم .
اوغیابی التفاتمه کزک هر طرفی بردوزخی شراره اولوب روحمه
یاییشدی .

امین اولیکز ، که عثمانلی وطننده ، خلافت مقدسه اسلامیه
یوردنده سرك ایچین آغلامایان بر مؤمن کوزی ، سرك ایچین صیز -
لامایان بر مسلمان قلبی ، سرك ایچین قانامایان بر موحد وجدانی ،
سرك ایچین ایکله مین حقیقی بر عثمانلی روحی یوقدر .

عثمانی یوردنده هانکی مملکت ، هانکی شهر ، هانکی کوی تصور اولونابیلیر ، که کریدده بر شهیدی ، بر قربانی اولمه سین ؟ بو کون سیه پوش ماتم اولمش آنالرك ، بیت الحزنلر نده اشك سفالت دوکمه که اولان کنج دوللرك ، سفیل ، نیم عریان قالمش یتیملرك بر چوغی « اوغلم کرید شهیداسندندر ! زوجم کرید قربانلر ننددر ! بابام کریدده شهید اولدی ! » دیورلر . دائماً کریدی یاد ایدیورلر . کرید؛ وردزبانلری کرید وسیله کریه و هجرانلری .

کریدک دردی وطن دردی وطن ماتمیدر
وطنک یاره سیدر او ، وطنک مرهمیدر

کرید اولمازسه وطن یاره سنه وارمی دوا
مکر اللهدن اوله دردینه بر باشقا شفا
آجیقنی مکتوبکزی او قورکن بدبخت اندلس دولت اسلامیه سنک
غریظه دن استنبول آفاقی اوزرینه یوکسلن ، قلب اسلامیتی تیره تن
صوک شهیق فریادی ، عثمانیلردن استمدادی خاطر مه کلدی . غریظه
ایله کرید فلا کتده توأمدر . کریدک صادق (۱) عثمانلی (؟) روملری
اندلس وحشتلری بوتون معنای فجیع وهول انکیزیه تنظیر ایتدیله .
غریظه فریادنامه سنک حافظه مده منقوش بعض اییاتی ترجمه ونقل
ایدیورم .

اودم قویمش کبی یوم قیامت
اودم جنت ، اودم توبک سعادت
اوفرید و اووایلای نسوان
اواستمدادله اغلاردی شیطان
طوتولمش صاجلرندن اللرندن
چکامکده ویا کیم بللرندن
نه ابکار و نه اعراس و نه زوجات
سور وکلندی اولوندی جمله غارات
بشیکلر ایچره قالدی شیرخوارلر
چکرلر پارچالادی کریه بولر
کتاب الله فرش اولدی زمبیه
بوصولتله در یاری دینه
بوکا صبرخرد سوزک نه حکمت
بوک وحشیجه بر مدهش جنایت
بونصر اینک شان جدیری
اولونجه اهل ایمانک امیری
سلام ایلر سزه بدبخت مجائر
قیام و مشیدن اسوس عاجز
بوجدات عربده ظلم دیده
نه ظلم امام که او یله ناشنده
یدیردی بونلره اهل تصاویر
توقانلر ، تکمه لرله لحم خنزیر

سلام ارباب علم و معرفتدن
سلام اصحاب رای و مشورتدن
که غربت ایللر نده اندلسده
فلا کتله ایچنده هپ یأسده
محاطی اوچ طرفدن بحر رومک
امیدی سنده قالمشدر عمومک
سلام ایلر سکا هشتاده سالان
که دشمن پنجه سنده الامان خوان
شیوخ مملکتدی تاج سردی
نظرلرده عزیز و معتبردی
بوکون باز یچیه ظلم و ستملر
که تعریفندن عاجز قلملر
بوکون مضروب و مرکوب صلیبی
بوکون اشکنجه لرده اک مشیبی
سلام اولسون بنات سیداتدن
لسان صالحات و قانتاندن
یازیق رخسار عصمتلر که صولدی
یازیق ناموس و عرض یاغماسی اولدی
یازیق ابواه ... نه لر کوردی بوکوزلر
جانبندن ابر ناموسلی یوزلر
بیوت مسلمینه دالدی اعدا
قربوب ابوابی ظالم بی محابا

سلام ای پادشاه ال عثمانی
سلام ای مفخرت جله امیران
سلام ای ملکی واسع ، جیشی بی حد
سلام ای نصرت حقه مؤید
سلام ای خادبی دین مبینک
ملادی یر یوزنده مؤمنینک
سلام ای سیف مساول الی
ویرن اعدای اسلامه تباهی
سنک قهر جلال و سطوتکدن
جهانده بولاسینلر غیری مأمن
مکر کم سایه عالم اهاک
مکر اولسون اومشمول نکاهک
نه خوشدر پای تختک ای مفخجم
سزا دینسه ستانبول قطب عالم
اونک فتح جایی عید اکبر
صحیح اولسه کرک قول پیامبر
جهان شرکی تیرتدی تملدن
خبر کلش کبی سمت اجلدن
صلیبونی آلدی او یله دهشت
که قویدی صاندیلر کرچک قیامت
صاراردی چهره لر امواته دوندی
حیاک ذوق و شوق هبسی سوندی

آه ... بزنه چکدک والان نه چکمه که ایسه هپ جهالتزدن ، یاشامی
بیلمدیکمزدن ، حق حیاتی محاظه ایدمه مدیکمزدن چکیوریز .

دین ، کمال اهمیتله متدینلرینه ، معتدلرینه ، مؤمنلرینه حفظ
حیاتی ، حفظ ناموسی ، حفظ وطنی ، حفظ استقلالی ، حفظ شوکت
واجبالی امر ایدر ، مجرد حفظ حیات ایچین « الامن اکره و قلبه
مطمئن بالایمان » جمله جلیله استثنایه سیله حال اکراه واضطرارده
ایمان لفظینک بیله فدا سنه لطفاً مساعده ایدرکن ، « وما جعل علیکم
فی الدین من حرج . الله امر دینده سزک اوزریکزه ذره قدر بیله بر
دارلق یامدی . دین ، سزک ایچین قطعاً چنبر تضییق دکلدرد . یاشامق ،
حیاتکزی ، ناموسکزی استقلالکزی محافظه ایتک ایچون اکدار کورون
بوللری سزک سلامتکزی ایچین کنیشلتیر . اک واسع جاده شکله قور .
دین سزه رحمتدر . مصیبت دکل . سعادتدر ، فلا کت دکل . صاقین
مضطر قالدی سزک زدمارده دین مساعده ایتوردی به الله افتر ایتیکز !

ایشته بن شاید دشمن ، قلیجنی اوزریکزه چکرده سزی کفره اکراه
واجبار ایدرسه ایمان لفظیکزک فدا سنه قادر اذن ویریورم . مادامکه
قلبکز انوار ایمان ایله منوردر ایمان لفظینک فدا سنده برأس یوقدر .
دیرکن ارکان اسلام دی به عبادات مالییه بی : حج و زکاتی ، قربانی ،
صدقه فطری حیاته ترجیح ایتک نصل اولور ؟ ایشته بز قرآن
کریمدن خبریمز اولدیغه ، حکمت قرآنی آکلامادیغمزه قربان
اولیوریز . بر مؤمنک فلا کتی بوتون جهان اسلامک فلا کتیدر .
اک کوچک برعضوک قطعی بوتون وجودک پارچالانمیدر . مسلمانلر
بروجوددر .

امین اولام ، که ایتالیایی بزه اعداد قوه امر عاجلنه نظر لاقیدی ایله
باقلمکمزک جزاسی اولاراق الله مسلط ایتدی . الله بویوریور :
« فلیحذر الذین یخالفون عن امره ان تصیبه فتنه او یصیبه عذاب الیم -
امریمه مخالفت ایدنلر کنشیلرینه - دنیاده - مدهش فتنه اصابتدن

دشمن قیلچی ایله قتل عام اولمقدن زنجیر اسارتنه دوشمکدن - آخرتده ده -
هائل بر عذاب الیمه معروض قالمقدن حذر ایتسینلر !
ایشته اعداد قوه امر عاجلنه مخالفتک بزه نه قدار بهالی به مال
اولدینگی کوزلریمزله کورمکده یز .

« اویصیهم عذاب الیم » جمله جلیله سنه دقت اولونسون نه قدر
معنیداردر ! دنیاده اللهک امرینه مخالفت یوزندن دشمن استیلاسنه ،
قتل عامنه ، زنجیر اسارتنه دوشنلر آخرتک جنیه امیدوار اولم سینلر ، که
بیوده در . زیرا « من عاش ذلیلاً فی الدنیا لایحشر عزیزاً فی الآخرة
یعنی : دنیاده دشمن یومروغی ، دشمن تکمه سی التنده ذلیل اولاراق
یاشایانلر آخرتده عزیز اولاراق حشر اولونمازلر . چونکه اودلک ،
اومسکتک باغی امر الهی به مخالفت ایدی . او مخالفتک جزاسی
آخرتده ده امدهددر . اصل مسئولیت اورده در . « نیچین اللهک
فرمانه اطاعت ایتدکده دینکی قرآنکی ، ناموسکی دشمنلر که چیکنتدک ؟
بو یور شمدی محبس آتینه ! » دینه جک .

« ومن خاف فی هذه اعمی فهو فی الآخرة اعمی واضل سیلا
دنیاده کور اولان آخرتده کور وطریق سلامتی غیب ایتشلرک اک
بدبختیدر . » دنیاده حق کورمین یا خود حقن تعامی ایدن آخرتده
کور اولاراق حشر اولوناجق . « رب ! لم حشرتی اعمی وقد کنت
بصیراً ؟ » یارب ! بنی نیچین کور اولاراق حشر ایتدک ؟ حالبوکه
بن دنیاده کور ووردم . کور دکلم . « کذلک اتک آیاتنا فنفستها وکذلک
الیوم تنسی . » دنیاده سکا آیات الهیه من کلیدی ، اوقوندینی وقت
سن بزه قارشى نصل یابدک ، نصل کوز یومدک آرقه چویردک ایسه
ایشته بزه بوکون سنی کور اولاراق حشر ایدیور . سنی جحیم حرمان
وخسرانه آتیورز . « الله امرینه اطاعت و انقیاد ایستیور . » بن نه یی
ایسترسه اونى یاپیکز ! « دیور .

اکر بز اعداد قوت امر عاجلنه قارشى بولا قیدیده ، بوتعامی ده ،
دوام واصرار ایدرسهک یارین ایتالیا حربی بیتمدن موسقوف
هجومی باش کوستر . ذاتاً حاضر لایمقدده . کون صایمقدده . وقت
مرهوتی بکله مکده . بوده - شبه ایتیمه لم ، که - پک یقیندر .
قارا دکز دو تناسنی اکاله کیجه لی کوندوزلی چالیشیور . صوکر
یونان کورید و - شمدی ده - اطهر ایچین برعید اکبر الحاقه
حاضر لانیور .

الله اعداد قوت آیه جلیله سنده « و آخرین من دونهم لایعلمونهم
الله یعلمهم . اعداد قوتی یالکیز حال حربده بولوندیغکزدن عنوانکزه
حصر ایتیکز . بولردن باشقا اعدای استقبالکیز ایچین ده عاجلاً
اعداد قوته کیجه لی کوندوزلی چالیشیکز ! . بو یوریور .

بزه دونما لازم . شمندوفرلر ، خارالر ، ترسانلر ، حوضلر ،
طیارلر هپسی عاجلاً لازم . بولر تماماً اعداد واحضار اولونمقدجه
عبادات مالیه دن هیچ بری مقبول دکل . بوقتوای الهیدر . کیمسه نک
تصدیقنه محتاج دکلددر . بز اللهک امرینی طانیسه ق برکونده بوتون

استطاعت نقدیه ومالیه منری میدان اطاعت و انقیاده بیغاریز . ایتالیا
در حال حربیه ختام ویریر . تضمینات بیله آتیر . چونکه برملتک
ملیونلرله لیرالق شاهد دیانتی ، دلیل حیتی میدانده بیغلمش
کورور . بادروا الی طاعة الله ایها المؤمنون فتفوزوا فوزاً عظیماً والا
فستذکرون ما اقول لکم وافوض امری الی الله ان الله بصیر بالعباد .

محمد فخرالدین

مسلمانک مسلمانله الیش ویریش ایتمی

بیله مه یورم ، بوتون انسانلرده بویله میدر ؛ بز عثمانی مسلمانلرنده ،
بلکده بوتون دنیا مسلمانلرنده جدیت ادراک ایله ناقابل تألیف تحف
بر حال واردر . دقت ایدیلش اوله جق ، که بزه هرشی سویلنیر ،
هر موضوع حقنده اوزون اوزادی به بر تفصیلات ویریه بیلیر ،
هر کس هر موضوع حقنده علامه کیسه بیلیر . فقط دوشونیلیر ،
دقت ایدیلیرسه بوتون بوسوزلرک ، حتی ایجه یاشلی یاشلی ، حتی شهرته ده
مالک اولانلرک ، حتی عالم ، قاضل کچینلردن بر چوقلرینک آغزلردن
چیقان سوزلر ، تحلیل و تدقیق ایدیلرک اولورسه ، اینانه رق آکلا شلمش
اوله رق سویلنمه مش اولدینی در حال میدانده چیقار . بزم شو حالنزی
کورن بعض سیاحلر ، تاریخک آکلایه مدینی زمانلرده بزدن آیریلش
اولان قارداشلر ، بزى یالانچیلق ، یا خودریا کارلق ایله توصیف ایدیورلر .
بن بوراده شایان حجاب اولان شو حالنرک سببی تحری ایده جک دکلم .
بو حال نره دن نشئت ایدرسه ایتسون ، آدی کرک یالانچیلق ، کرک
ریا کارلق اولسون ، هر حالده بوکا کوزل بر صفت دینله میه جک
اولدینغه قائم . .

دیبلر مزده ، مجموعه لر مزده ، هر یرده ، مسلمانلرک قارداش
اولدقلرینی سویلر ؛ انما المؤمنون اخوة « آیت جلیله سنی ایکیده برده
اوقور ، نمازلرده ، ختملرده تکرار ایدر ، طور یورز . فقط مسلمان
نلرک قارداش اولملری نه دیمک اولدینگی ، ظن ایدرم خاطر لر مزه بیله
کتیر دیکمز یوقدر . شبه سزدرکه « مسلمان ، مسلمانک قارداشیدر »
جمله سندن قرابت نسبییه معناسنی اکلایه جق دکلز . بوندن هر حالده
قرابت قلییه ، اخوت روحیه معناسنی آکلامق لغز لازم کلیر . ایشته بوراده
بر آز توقف ایدرک آرزوق بر مقایسه یاپلم :

بز قارداش لکدن قرابت نسبییه معناسنی پک اعلا آکلارز . مثلاً
بر قارداشمنرک ، برادرمنرک ، سائر اقربا منرک اییلک لری ایسترز .
آنلره المزدن کادیکی قدر معاونت ایتک لزومنی حس ایدرز . خلاصه
قلبمن آنلره قارشى دائماً بویوک بر رقت طویار . قارداش کله سی سویلنیر
سویلنمز بوتون بومعنا لر همان بردن ذهنه تبادر ایدر .

قارداش لکدن قرابت دینه معناسنی آلینیرسه ، بونک نه قدر
کوشک ، نه قدر تأثیر سز برشی اولدینی در حال میدانده چیقار . عادتاً
اویله که بزم « مسلمان قارداشمنر » دیدیکمز سوزده قارداش کله سنک